

ترجمة مختصر الوقاية

محمد صلاح

بوکتاب ننگ باصمه سنه رخصت ویرلدی سانکت پیتربورخده  
۵ نجی آغوستده ۱۹۰۲ نجی یلده \* \*


بوکتاب قزان اونیویرسیتی ننگ طبع خانه سنه باصمه اولمشدور  
قزان اویازی توبان قورصا اولی حاجی شمس الدین بن حسین  
ورثه لرینگ خراجانی ایلان ۱۹۰۲ نجی یلده \* \*

مقدمه بو کتابنی طبع قیلدورورغه عمر بن عبد الرحیم دولتیاری  
اذن ورخصت آلوب ایکنچی کوره طبعه مذکور ورثه لره اجازت ویردی

Доволено цензурою С.-Петербургъ 5 августа 1902 г.

КАЗАНЬ.

Типо-литографія Императорскаго Университета  
1902 г.



معنی ب ب معنی اسم نام معنی الله معبود بر حق معنی الرحمن بخشنده نعمتها ست در دنیا بر مؤمن  
 و بر کافر معنی الرحیم بخشاینده گناهان ست در آخرت بر مؤمن نه بر کافر ( الحمد لله زافع اعلام الشریعة  
 الغراء ) یعنی الثناء لتعظیم فاعل مختار و عرفا ما یشعر بتعظیم منعم من الشکر واللام للاختصاص وقیل للیاقه  
 ای الحمد لایلیق الاله تعالی یعنی صفت الله تعالی بو تورور کم بلند قلعوچی تورور علم شریعت غرائی علم  
 شریعت مثل علم تفسیر و قراءت و حدیث و اصول حدیث و فقه و اصول فقه و صرف و ادب و العلماء هذه  
 الشریعة وهم الصحابة ومن بعدهم ای افضل الشرايع او العلوم او العلماء وغراء مؤنث الاغرای الابیض  
 والبیاض افضل الالوان شرعا و کذا عند العرب ( جاعلها شجرة ) ایکنچی صفتی بو تورور ایلاتور غوچی  
 ترور الله تعالی شول شریعتنی شجره ( اصلها ثابت وفرعها فی السماء ) یعنی تمل لاری محکم ترور یتنی  
 قت یردا و شاخ لاری یتنی قت آسمانده بو شجرنی هیچ کم قوپاره بیلماس و شریعت فی هم هیچ کم قوزغانا  
 بیلماس ( والصلوة علی رسوله محمد افضل الرسل والانبیاء ) یعنی رحمت الله تعالی رسولیغه نازل بولسون  
 کم شریف آنلاری محمد ترور افضل رسل وانبیاء تورور لر ( وعلی آله واصحابه نجوم الاقتداء والاهتداء )  
 رحمت الله تعالی نازل بولسون آل واصحابیغه صفت اول آل واصحاب ننگ بو ترور کم اقتداء یولانوزی  
 وهدایت بولدوزی تورور لر ( وبعد فان العبد المتوسل الی الله تعالی باقوی الذریعة ) خدای تعالی ننگ  
 حمدیدین صونک و پیغمبرغه درود دین صونک بس بدرستی عبدیکه وسیله قیلغوچی ترور الله تعالی ننگ  
 طرفیغه اقوی ذریعت برلان کم ایمان تورور ( عبید الله ) عبید ننگ عطف بیانی ترور ( بن مسعود ابن  
 تاج الشریعة ) ترور ( سعید جده ) یعنی سعادتلی بولسون باباسنی ( وانجح جده ) وقوتلی بولسون اجتهادی  
 ( رزقه الله تعالی خیر الدارین ) ورزق پیرسون شول باباغه ایکی دنیا ننگ بخشنی سنی ( بقول قد الف جدی )

مسمى بالمحمود ايتاتورور شول عبد بتحقيق تأليف ايتى جديم يعنى آنام ننگ آتاسى (واستادى) واوستادىم  
 صفت اول اوستاد بو توروركم (مولانا الاعظم) تورور (سلطان علماء العالم) تورور (برهان الشريعة  
والحق والدين) تورور (وارث الانبياء والمرسلين) تورور (جزاه الله عنى وعن سائر المسلمين خير  
الجزاء) يعنى جزا بركاى شول جديمغه الله تعالى مينك طرفدين وسائر مسلمان لار طرفى دين بخشى  
جزانى (لاجل حفظى كتاب وقاية الرواية فى مسائل الهداية) يعنى تأليف ايتى جديم مينك حفظم  
اوچون كتاب وقاية الروايةنى كم بول وقاية الرواية مسائل هدايةدا تورور (وهو كتاب لم يكتحل عين الزمان  
بثانيه) يعنى شول كتاب وقاية كتابى توروركم سرمه نارغلى يوق عين زمان ثانى سيفه يعنى شول  
كتاب ديك ينه بر كتابنى زمانه خلقى ننگ كوزى كوركافى يوق (فى وجازة الفاظه مع ضبط معانيه) الفاظى  
موجز بولماقدا معانى سى حفظ بولماق برلان (ثم انى لما وجدت قصورهم بعض المحصلين عن حفظه)  
آندين صونك بدرستى كه اول هنكاميدا كم نابتم بعض طالب علم لار ننگ همت لارنى قيسته حفظ وقايه دين  
(فانخذت منه هذا المختصر) بس اخدايتم شول وقايه دين بول مختصرنى (مشملا على مسائل لا بد  
منه لطالب العلم عن حفظها) اول حاليدا كم شول مختصر قواقبغه آلمان تورور مسائل لا بد منه فى كم  
طالب علمغه حفظى دين (فكل من احب استحضار مسائل الهداية) بس هر كشى كم دوست توتسه حاضر  
توتماقنى مسائل هدايهنى (فعليه بحفظ الوقاية) بس لازم تورور شول كشيكا حفظ ايتمك لك وقايهنى (ومن  
اعجله الوقت) وكشى كم قيستانى بولسه شول كشيكا وقت (فليصرفنى الى حفظ هذا المختصر) بس كراك  
كيم صرف ايتكافى شول مختصر ننگ حفظبغه (عنان العناية) عنايت ننگ جلاوفى يعنى قصدى ننگ جلاوفى  
(انه ولى الهداية) بدرستى كه الله تعالى هدايت ايكاسى تورور يعنى الله تعالى هدايت ايتسه بول  
 مختصر ننگ جمعى ميسر بولور والا فلا والله اعلم \*

### كتاب الطهارة

بو كتاب طهارة ننگ بيانده تورور طهارة ننگ بحث لارى كوز ليكى سببدين موفى صلوةغه داخل قيلماى  
 تورور (فرض الوضوء) طهارة ننگ فرضى يعنى اول نرسه كم طهارة آنسز دورست بولماس بش تورور  
 (غسل الوجه) يوزنى يوماق (من الشعر الى الاذن) منكلاي توكيدين قولاق بومشاقبغه چه تورور (واسفل  
 الذقن) اياك آستى غه چه (ويديه) وايكى قولنى بوماقلىقى تورور (ورجليه) وتقى ايكى آياقنى  
 يومقلىقى تورور (مع مرفقيه) ايكى قولنى ترساك برلان (وكعبيه) ايكى آياقنى اشوقى برلان (ومسح  
 ربع رأسه) وتقى مسح قيلمق باشينمك توروردين بريفه فرض تورور مسح تيكورمك لك تورور اول صو  
 خواه بوغاندين قالغان بولسون خواه تازه صو بولسون واكر مسح دين قالغان صو بولسه مسح نارتمق جافز

ایرمس ( وکل ما یستر البشرة من اللجیة ) وینه فرض ترور مسح نارتیق اول نمرسه غه کم یافه تورور یوزنی نوکدین بو مسح اول کشیکا روا بولور کم سغالی فالینک بولسه واکر سغالی یوبقه بولسه صو تیکورمک کراک صحیح حدیث: ا و مشکوٰۃ دا واقع بولاب ترور حضرت رسول الله صلی الله علیه وسلم یوز یواردا کمالغه یتماک اوچون بر اوج صونی منکلا یغه و بر اوج صونی اونک یوزیکا و بر اوج صونی ایاک نذک آستیفه توکار ایردیلا ( وسنته البدایة بالتسمیة ) طهارت نذک سنتی بسم الله برلان باشلاماق ترور سنت اول تورور کم حضرت رسالت پناه آئی همیشه قیلغان بولغای و کاهی ترک قیلغان بولغای قیلماق لبقی عبادت یولیدین بولغای عادت یولیدین بولغای عادت یولیدین بولغان مثل ایچمک ویمک و آئی سنت زواید دیرلار سنت هدی دیماس لار مراد بویرده سنت هدا ترور کم عبادت یولیدین بر جای کلنورکان تورور سنت غه منکر بولسه مبتدع بولور کافر بولمس واکر ترک قیلسه شفاعتدین و یاوق لبقدین محروم بولور و بر سنت برله بش یوز یل لبق یاوق لبق حاصل بولور ( و بفسل یدییه الی رسغیه ثلاثا للمستیعظ ) ایکنچی یومق کیراک ایکی قولی نذک بند یغه چه اوج مرتبه اویقودین تورغان کشیکا هر چند قولی پاک بولسه هم فتوی شول سرزکا تورور ( والسواک ) وتقی طهارت نذک بر سنتی مسواک قیلماق تورور ( وغسل فیه ) وتقی آغزیغه اوج مرتبه صو آلمق ترور ( بمیاه کانه ) بورنیغه اوج مرتبه تازه صو آلمق ترور ( وتخلیل اللجیة والاصابع ) وتقی سغالی بارمق برلان آرالامق اکر سغال نذک توبی کورونمسه مسح نارتیق فرض ترور وتقی قول نذک و آیاق نذک بارماق لرین آرالاماق تورور یوغان وقتدا بارمقنی آرالاردا کیراک قول نذک ایاسی تابانیدا بولغای و آستیدین یوقاری آرالاماق وتقی اونک آیاق نذک کچکنه بارماق دین باشلاب صول آیاق نذک کچکنه بارماق دا تمام قیلغای ( وتثلیث الغسل ) وتقی اوج مرتبه یومق کراک سنت ترور یوا تورغان اندامین ( ومسح کل رأسه مرة ) وینه باشیننک تمامنه مسح نارتیق بر مرتبه و امام شافعی رحمه الله تعالی قئیدا اوج مرتبه مسح نارتیق سنت ترور ( والاذنین بمائه ) وتقی مسح نارتیق قولاقغه اول صو برلان کم باشیغه مسح نارتیق اوچون آلمان ایردی ( والنیة ) وتقی نیت ترور یعنی طهارت نذک اولیده قصد قیلماق لبقی تورور بو طریقه دا کم طهارت قیلورمن نماز نذک مباح بولماق اوچون نا حاصل قیلغای من الله تعالی نذک رضالیقی و یاوق لبقنی واکر قیل برلا نیت قیلسه آرتوق تورور ( والترتیب ) وتقی ترتیب برلا یوماق سنت ترور بو طریقه دا کم اول یوزنی یوماق آندین صونک ایکی قولینی آندین صونک باشیغه مسح قیلغای آندین صونک ایکی آیاقنی یوغای آندا قکم قرآنده واقع بولوب تورور امام شافعی قئینده ترتیب فرض ترور ( والولاء ) وتقی ایزلی ایزندین نیز یوماق سنت ترور یعنی اولفی اندامی قوروماق صونکی اندامنی یوماق کیراک ( ومستحبه النیامن ) طهارتنی اونک یانیدین باشلامق مستحب تورور بس کراکم اول اونک قول و اونک آیاقینی یوغای ( ومسح الرقبة بماء جدید ) وتقی بوینیغه

مسح تارتمق مستحب تورور ( رناقضه ماخرج من السبيلين ) وطهارتنى سيندورغوچى اول نمرسه تورور كم چقار ايلكاركى انداميدين كه فرج و ذكّر تورور ويا آرقادين كم غايطنك چقار برى تورور خواه يل چقسون خواه قورت خواه قان خواه غايط و خواه بلغم اما اول يل دا كم خاتون ننگ فرجى دين وايرننگ ذكر يدين چيقسه اختلاف تورور جامع الصغيره كلتوروب تورور كم اصح اولتورور كم طهارتنى سندورمس ( او غيره ان كان نجسا سال الى ما يطهر ) ويا آرتيدين ويا آلددين اوزكا بىردن چقسه اكر اول چقغان نجس بولسه و آقيب اول يركا نيسه كم واجب بولسه اول برنى پاك قيلماق غسل قيلغانده باطهارت دا و آنچه عوام ايتورلار اكر جراحتدين الفى ينكليغ چيقسه سينماس ديب اول سوزننگ اعتبارى بوقنورور وقتى كه جراحت ننگ باشيدين اوتسه طهارتى سندورور اكر كوزده آبله بولسه اول آبله دين بر نمرسه چيقوب كوزدين تاشقار و چيقه ماسه طهارتنى سندورماس آننگ ارچون كم غسلده و طهارت قيلغانده كوزى ننگ اچيكا صو نيكورمك ليك فرض ايرمس ( والى<sup>ه</sup> دما ريقا ان اهر به البراق ) و تقى طهارتنى سيندورغوچى قوسماق ليق تورور اكر آقار قان قوسسه و قزىل بولسه اول قوسوقى برلا آغزى ننگ صوبى ( لا ان اصفر به ) اكر قان قوسسه و سارى بولسه اول قوسوقى برلا آغزى ننگ صوبى قزىل بولسه طهارتنى سندورمس مولانا محمد امين الدين زاهدى روايت قيليب تورورلار مولانا فاضل سمرقندى ننگ شريحدين قانى كه تيشدين ظاهر بولور آننگ حكى بو تورور يعنى اكر آغزى ننگ صوبى اول قان برلا قزىل بولسه طهارتنى سيندورور والا ( وغيره ان كان ملاء الفم ) اكر قاندين اوزكا نمرسه قوسسه اكر آغزى تولوب كلسه طهارتنى سيندورور ( لا بلغما اصلا ) اكر بلغم قوسسه خواه آغزى تولسه خواه تولسه خواه قارين دين كلسه و خواه دماغدين اصلا طهارتنى سيندورمس ( وما ليس بحدث ليس بنجس ) هر نمرسه كم طهارتنى سيندورمس اول نجس هم ايرمس مثل اول قوسوقى كم آغزى تولماسه و اول قانى كم جراحت ننگ آغزى دين اوتماسه اكر نونغه نيكسه نمازده ضرر ايتماس ( ونوم منكى<sup>ه</sup> الى ما لو ازىل لسقط لا غير ) و تقى طهارتنى سيندورغوچى تيانيب او خلاص تورور اكر اول سوزبانكان نمرسه نى آلسه لار بوقلاغوچى يقلسه طهارتنى سيندورور هدايه ده كلتوروب تورور كم اكر بر نمرسه ننگ اوستيده اولتوروب او خلاصه اول هم طهارتنى سيندورور اما مونده اختلاف تورور ( والاغماء والجنون ) و تقى طهارتنى سيندورغوچى تورور بيهوش ليق و مست ليق و ديوانه ليق اكر آننگ عقلى كينسه و حواسى يعنى كوزى و قولاقى اشتما كدين توشسه و تقى يوركاندا تيرانما كى و ميل قيلمق معلوم بولسه مست ليك و ديوانه ليق ننگ اوزى عقلى ننگ فساد ليقى تورور ( و قهقهة بالغ فى صلوة مطلقه ) و تقى قهقهه برلا كولمك ليك تورور اكر اول كولكانينى يانيداغى تورغان كيشى ايشنسه طهارتنى سيندورور اما اول كولكان كيشى رسیده بولغاي يعنى نارسيده بولمغاي اوياغ بولغاي يعنى اديقودا بولمغاي و اول طهارت غسلده حاصل بولمغان بولغاي بوضورت دا اختلاف تورور اما مصنف اختيارى اول تورور كم

ركوعلى وسجودلى نمازده قهقهه برله كولسه طهارتنى سندنورور اكر جنازه نمازىنده طهارتنى قهقهه برله  
 كولسه سندنورمس واكر بوشرطلارى بولماسه طهارتنى سندنورمس اوزكا نمازده هم يوقلامسه مست بولماسه  
 (والبشارة الفاشئة) وتقى ابربرله خاتون ياشورون اندام لارين يلانكاج هر برىكا تيكورمك برله طهارتنى  
 سندنورور وبعضى ايتب ترورلار اكر ذكردين صوكلسه سندنورور والا لا وعليه الفتوى (لا مس  
 المرأة والذكر) امام اعظم رحمه الله تعالى مذهب لاريندا ايرخانون ننگ وخاتون ايرننگ اندامين سيفاسه  
 طهارتنى سندنورمس اما امام شافعى رحمه الله تعالى قتنده سندنورور ﴿ وفرض الغسل ﴾ غسل ننگ فرضى  
 ( غسل فمه وانفه ) يومق ليق ترور آغزىنى وبورنىنى ( وكل البدن ) ونمام اندامىغه صونى تيكورمك  
 ترورور ويومق ليق وغسلده كوز ايچىكا صوتيكورماك فرض ايرماس وسنورمق شرط ايرماس مكر امام مالك  
 قتيندا وبر روايت امام ابو يوسف رحمه الله تعالى دين بولوب ترورور ( وسنته ان يغسل يديه ) وغسل ننگ  
 سننى اولتورورمك يوغاى اوزى ننگ قول لارين ( وفرجه ) وتقى يوغاى فرجىنى ( ويزيل النجاسة ) اكر  
 قتيندا نجاست بولسه كتاركاي غسل ننگ نيت نى غسل ننگ سننى دين حساب قيلمغاى زيرا كه طهارتنى  
 فهم قيلنور نيت بو تورورمك جنب ننگ غسلى فرض ترور برجاي كلتورور من خداى تعالى ننگ بندلبيكى  
 اوچون تا خداى تعالى ننگ ياقولمغاى حاصل بولمغاى ( ثم يتوضأ ) آندىن صونك طهارت قيلمغاى ( الارجلية )  
 مكر آياقلارينى يوغاى مكر تاش يا نازه چوب ننگ اوستندا غسل قيلور بولسه آياقنى اول برده يوبوب  
 توشسه روا بولور ( ثم يفيض الماء على بدنه ثلاثا ) آندىن صونك صونى اندامىغه اوچ مرتبه قويمغاى اول  
 اونك ايكنى ده اوچ مرتبه آندىن صونك صول ايكنى غه آندىن باشىغه اوچ مرتبه صوقويمغاى وبعضى ايتب  
 ترورورلارمك باشدين باشلاب صول ايكنى ادا قيلمغاى ( ثم يغسل رجليه ) آندىن صونك يوغاى آياقنى  
 ( لا فى المستنقع ) يومغاى آياقنى صوجيلغان بردا ( ويكفى لذات الضغيرة ان ابتل اصلها ) وكفايت ترورور  
 خاتون صونى ساچى ننگ تويىكا تيكورسه اكر جنب بولماسدين بورون ساچنى اوركان بولسه واكر صونك  
 اوركان بولسه ساچ ننگ بارچه سيفه صوتيكورمك واجب ترورور ( وموجه انزال منى ذى ذفق وشهوة ) غسلنى  
 واجب قيلمغوچى منى ننگ آتليقب چقماقى ترورور شهوة برله ( عند الانفعال ) اول شهوة بريندىن جدا بولغان  
 وقتدا اكر چندينكه چقار وقتدا شهوة برله آتليقب چيقماسه هم غسل واجب بولور واكر منى مكانىدين جدا  
 بولغانىدين صونك ذكرى ننگ باشنى اوشلاسه بدن آرام تابغان صونك چيقسه وباجنب بولغان صونك بول  
 ايتماى غسل قيلسه امامين قتيندا غسل واجب بولور وامام اعظم رحمه الله تعالى قتيندا غسل واجب بولماس  
 ( وغيبة حشفة ) وتقى غسلنى واجب قيلمغوچى غائب بولماقى ترورور كرتوكى ننگ ( فى قبل او دبر ) فرجىغه  
 ياقوير وقىغه ( على الفاعل والمفعول به ) وبوغائب بولمق ليق خنكاهى ننگ واجب قيلور غسلنى قيلمغوچى غه  
 وقيلنغان كشيكا آنك شهوتى چقسون ياچقسون اما اولوك ننگ فرجىغه يا كيندىكيغه اولوككا وخشاش نمرسه لاركا

دخول واقع بولسه شهوة چقماسه غسل واجب بولماس \* اوغلانېكه آنكا اوغشاشنى مجامعت قيلماس تورور خلاف تورور كم شهوة چقماسه غسل واجب بولورمو يا يوقمو متن ننگ عبارتى مونكا دلالت قيلور كم شهوة چقماسه هم غسل واجب بولور ( ورؤية المستيقظ المني او المني ) وتقى غسلنى واجب قيلغوچى كورمك ليكى تورور اويقودين اويغانغان كشيننگ منىنى يامنىنى منى بر قويوغ صوتورور چقار اول چقغاندين صوتنك آلتى ساكن بولور منى اول صوتورور كم آق ليغغه مايل بولور اير و خانون قولى برله اويغانغاندين صوتنك ظاهر بولور اما آندين صوتنك ذكرى ساكن بولماس آندا اما ابويوسى رحمه الله تعالى قتيدا اكر اويقودين صوتنك منى كورسه غسل واجب بولماس. اما ودى كلسه يعنى آق صوي كه سيد و كدين صوتنك كلور غسل واجب بولماس اما اكر توشينده شيطانى بولسه اويغانغاندين صوتنك صو كورمهه غسل واجب بولماس خواه اير بولسون خواه خانون اما امام محمد رحمه الله تعالى قتيدا خانون اكر توشينده احتلامى بولسه اويغانغاندين صوتنك صو كورمهه هم غسل واجب بولور احتياطاً اكر اويقودين صوتنك ذكرى ننگ باشينده صو كورسه احتلام بولغانى يادىغه كلمهه اكر ذكرى اويقلاماسيدين بورون حرکتى بولسه غسل واجب بولماس و اكر يانغاندا ساكن بولسه آلتى غسل واجب بولور بو مسئله كجوب واقع بولغان تورور خلق موندين غافل ترورلار و اكر مست ليكدين و ياييهوش ليكدين صوتنك منى كورسه غسل واجب بولور اكر اير خانون اويقودين اويغانغاندين صوتنك توشكندا منىنى كورسه وهيج قايسى سينك احتلام بولغانى يادىغه كلماسه احتياط اوچون ايكى سيغه هم غسل واجب بولور بعضى ايتب ترورلار اكر منى اوزون و آق بولسه اير كشى ننگ تورور و اكر توكرك بولسه و صارى بولسه خانون ننگ تورور ( وانقطاع الحيض والنفاس ) وتقى غسل واجب بولور وقتى كه خانون هيض و نفاس دين آريلسه ( لاوطى بهيمة بلا انزال ) واجب قيلماس غسل قيلماتنى حيوانغه و طى قيلمات ليق شهوتى چقماسه و حد يثدا ملعون تورور اول كشى كم منى صوينى قولى برله ظاهر قيلور يا حيوانغه يا وقلقى قيلسه ( و سن للجمعة ) و سنت ترور غسل قيلمات ليق جمعه كوني ننگ حرمتى اوچون امام ابويوسى رحمه الله تعالى قتيده غسل سنت ترور جمعه كوني نمازى اوچون و صحبح راق بو تورور ( والعيدين ) و رمضان و قربان ننگ عيى اوچون غسل قيلمات سنت ترور بو يرده هم اصح عيدى ننگ نمازى اوچون سنت ترور جهة از اله اعرا بجهه كرىهه اوچون ( والاحرام ) وتقى غسل قيلمات ليق حج و عمره ننگ احرامى اوچون سنت ترور ( والعرفة ) قربان عيى ننگ عرفهسى ننگ حرمتى اوچون عرفاتغه حاضر بولماسيدين بورون سنت ترور اما اولو كنى يوماتى واجب تورور آندا ق كم كشى جنب بولسه و يا كافرى مسلمان بولسه غسل قيلماتى واجب تورور ( ويتوضأ بماء السماء ) طهارة قيلسه بولور آسماندين كلكان صوبرله مثل قار صوي و يايغهور صوي ( والارض ) و يوردين چقغان صوبرله يعنى چشمه و دريا و قذوق ننگ صوي غه طهارة قيلسه روا بولور ( وان تغير بالمكث ) و اكر چه تغير تابسه صو بريرده كجوب تورمق برله

آنداق كم ايسى يمان بولسه ( او اختلط به طاهر ) يا آرالاشسه اول صوغه پاك نمرسه طهارت قيلماقى روا  
 تورور ( الا اذا اخرجته عن طبع الماء ) مكر اول پاك نمرسه چقارسه صونى صوليقدين آنكا طهارت قيلماقى  
 روا ابرمس آنداق كم توفراق يايغراق قوشولسه وقويوغ بولسه اول وقتدا طهارت ايتمك روا ابرمس  
 ( اوغيره طبخا ) يانغير برور پاك نمرسه صوغه پشورمك سببلى مثل شور با وبافلاننك صوى كم هر نچه كم  
 صويوق ليق بولسه هم روا بولماس ( وهو مما لا يقصد به النظافة ) حال آنكه اول قوشولغان نمرسه آنداق نمرسه  
 بولغاي كم قصد قيلماقان بولغاي اول پشوركان نمرسه برله طهارت قيلماق ليقنى آننك برله پاكليكنى قصد  
 قيلماسلار آنداق كم اشنان وصابون ننگ صونى قايناتورلار اول صوغه اكر چندينكه تغير تابسه پشورمك ليك  
 برله طهارت قيلماقى روا بولور مكر وقتى كه اول صوقويوغ بولوب آقماس ديك بولسه طهارت روا بولماس  
 ( وان اختلط به نجس ) واكر قوشولسه صوغه برنجاستى چيم اوستون بولسه نجاست ننگ اوزى بولور واكر  
 چيم آستين بولسه نجاست بولغان نمرسه بولور اما لغتده ايكيسى هم مصدر تورورلار ( فان كان جاريا )  
 بس اكر اول صو آنداق آقسه كم صماننى آقيرسه ( او عشر في عشر ) يا آننك تورت طرفى اون كزدين  
 بولمق كراك شريعت كزى برله كه يتى توتام تورور بعضى بوزننك كزى ديب تورورلر مساحت كزىدين  
 قستهراق تورور وبعضى ايتب تورورلار كم هر زمان وهر مكان ننگ اوز كزى اعتبار تورور ( لا ينحسر ارضه  
 بالغرف ) يعنى اوچلاب آلماق برله اول صوننك بى كورونماغاي مقدارينى تورت آچوق بارمق تعيين  
 قيلوب تورورلار بس حوض ننگ اوزينى اون كز و اينى اون كز بولغاي وقرى تورت بارمق بولغاي  
 ( لا ينحس ) نجس بولماس اول صوكه آقه تورغان بولسه ياديه درده بولسه نجاست توشماك برله ( الا اذا  
 غير طعمه ) مكر وقتى كه تغير برسه اول آقه تورغان صونك و حوض صونى ننگ مزاسيغه ( اولونه ) يا اول  
 صوننك رنگى غه ( اورنجه ) يا آننك ايسيفه واكر بو اوج صفتى ننگ بريسى تغير تابسه هر چند آقه تورغان  
 بولسه وياديه درده هم بولسه نجس بولور واكر حوض غه توشكان نجاست كورونه تورغان بولسه نجاست تيكراسيدين  
 تورت كز چافلى پريندين طهارت قيلماقى روا بولماس اما سيد وكد يك كورونمس نجاست بولسه حوض ننگ  
 هر طرفى دين طهارت قيلماسه روا بولور واكر حوض دوراك بولسه دورا كى قرق سكر قارى بولسه ظاهر  
 اطرافى اون كز بولسه حوض ننگ حكمنى تونقاي وبعضى اونوز آلنى قارى ديب تورورلار بو روايت صحيح  
 نورور و عمل قيلمقان تورور و امام شافعى رحمه الله تعالى قنينده اكر حوض ننگ ايكى يوز ( اليك باتمن  
 صويى بولسه ده درده حكمندا تورور و امام مالك رحمه الله تعالى قانندا صو هر چند آز هم بولسه ده درده  
 حوض ننگ حكمندا تورور ( وان لم يكن ينحس ) واكر آقه تورغان صو بولماسه وياديه درده صو بولماسه  
 نجاست توشماكى برله نجس بولور ( ولا بأس بموت مائى البوليد ) وزيان قيلماس صوده اولسه اول  
 نمرسه كم صوده تورغان بولسه مثل باليق وايت باليق وباقه ( وما ليس له دم ساقل ) آنچه اول نمرسه لار كم آقاز

قانی بولماسه اکر صوده اولسه زیان قیلماس مثل پشه وچرکی وقرا چبن وکلتمز ومانند آن واکر صوده عیش  
 قیله تورغان نمرسه لار اولسه مثل اورداک وآنکا اوخشاش نمرسه لار صونی حرام قیلور ( ولایتوضاً بماء اعتصر  
 من شجر اوثر ) طهارت روا بولماس اول صوغه کم سیقب آلمان بولسه لار درختدین ویا میوه دین ویا گیاه دین  
 وبعبارت اشارت نورور کم اکر صو اوزی چقسه درختدین ویا میوه دین آنکا طهارت قیلماق روا بولور  
 و حال آنکه فتاوی قاضی خاندن ایتب ترور صوی کم ناکدین چیقسه طهارت قیلماق روا بولماس والله اعلم بالصواب  
 ( ولا بماء استعمال لقربة ) وآنفاق طهارت روا بولماس اول صوغه کم عمل قیلنغان بولغای آننک برله  
 یعنی خدای تعالی ننگ یاوق لبقی حاصل بولغای آنفاق کم کشی ننگ طهارتی بولسه ینه طهارت  
 قیلسه یا آش یملک لیک اوچون قولنی یوسه بو سنتنی بجای کلتورسه ( اولرفع حدث ) یا عمل قیلسه اول  
 صو برله حدث نی کونارمک اوچون یعنی طهارت سین کشی طهارت قیلسه اول صو برله هم طهارت قیلماق  
 روا بولماس آننک اوچون کم کناه ننگ الایشی اول صو برله پاک بولور آنفاقکم پیغمبر صلی الله علیه  
 وسلم پیوروب تورور کم هر عضو نی یوفاندنا شول عضوننک کناهی پاک بولور یعنی وقتی کم طهارت دا قولینی  
 یوسه قول کناهی ننگ پاک بولور وهر وقتی که یوزین یوسه یوزی ننگ کناهی دین پاک بولور وهر وقتی کم  
 آیاقینی یوسه آیاقی ننگ کناهی دین پاک بولور واکر اندا منی ساوتیق لبق اوچون عمل قیلسه اول صو  
 مستعمل بولماس وبعضی ایتب ترور لار کم مستعمل اول وقتدا بولور کم اندامیدین جدا بولسه وبعضی ایتب  
 تورور لار کم اندامیدین جدا بولغاندین صونک بربرده قرار تابسه آندین صونک مستعمل بولور وآنچه فتوی  
 آنکا تورور کم مستعمل صو پاک تورور اما پاک قیلغوی ایرمس ( وکل اهاب دبع فقد طهر ) وهر تیریکه  
 ایلانسه بس بتحقیق پاک بولور وایلامک اولتورور کم آنفاق قیلغای کم آندین ایسن کلمکای وخراب  
 بولغای خواه توفراق بولغای وخواه اقباب ویا اوزکا دارو بولغای و امام شافعی رحمه الله تعالی قنندا ایلامکده  
 البته دارو کیراک تورور اما امام شافعی رحمه الله تعالی قنندا اول نمرسه ننگ اینی نی بیب بولماس تیرسی  
 هم ایلامک برله پاک بولماس و امام مالک رحمه الله تعالی قنندا مردار نمرسه ننگ تیرسی ایلامک برله پاک  
 بولور ( الاجلد الخنزیر والادمی ) مکر تونکغوز تیرسی و آدم ننگ تیرسی ایلامک برله پاک بولماس آننک  
 اوچون کم تونکغوز یمان لبقی سببی دین ایلانمس اما آدمی تیرسی یخشیلک سببی دین ایلامک روا بولماس  
 ( وما طهر جلده بالذبح طهر بالذکوة ) اول نمرسه کم تیرسی ایلامک برله پاک بولور ذبح برله هم پاک  
 بولور شریعت وجهی برله که چالغوی کناهی خلقی دین بولغای چانغان وقتدا بسم الله ایتغای واکر کناهی  
 خلقی دین بولماسه مثل مجوسی وآننک چالغانی اعتباری یوقتورور وآننک چالماق برله تیرسی وایتی حلال  
 بولماس ( وکذا لحمه ) آنفاق پاک بولور ایتی ذبح شرعی برله ( وان لم یؤکل ) واکر چندیکه بیب بولماسه  
 هم ویمک لیک روا بولماس اما نماز آننک برله روا تورور وبو بعضی مشایخ ننگ فتوی سی تورور اما

بعضی ننگ قانندا حیوانی کم ایتمی ییب بولماس ذبح شرعی برله آننگ ایتمی وتیرسی پاک بولماس (ومالا فلا) اول نمرسه کم ذبح شرعی برله وتیرسی ایلامک برله پاک بولماس مثل تونکوز بس پاک بولماس ذبح شرعی برله هم چون کم خلاقی فی فهم قبلماق روایتدا معتبر تورور واکرمالا فلا فی ایتماسه هم بولور ایردی (وشعر المیتة) وچالنامای اولکان ننگ توکی (وعظهما) وچالنامای اولکان ننگ سونگاکی (وعصبتها طاهر) وچالنامای اولکان ننگ سنکری پاک ترور آنداق مونکوز وتویاقی وتشی هم آنداق تورور یعنی پاک تورور (وکذا للانسان) آدمی ننگ هم بو نمرسه لاری یعنی اکر ساچی وترناقی وسونگاکی صوغه نوشه ضرر قبلماس یعنی پاک تورور \*

### فصل بئر فیها نجس

قد وقفه آز ویاکوب نجاستی واقع بولسه مثل غایط وسیدوک قدوق نجس بولور اما امام زفر رحمة الله علیه ننگ قانندا وقتی که نجاست صوغه غالب بولسه اول قدوق نجس بولمس امام محمد وامام ابو یوسف رحمهما الله تعالی دین روایت قیلب تورورلار قدوق ننگ صوی آقار صوننگ حکمندا تورور (اومات فیها حیوان) یا اولسه اول قدوق دا جانوری کیراک اولوغ کیراک کچک بولسه (وانتفخ او تفسخ) وشیش سه یاچوروسه اول جانوار (اومات مثل آدمی اوشاة) یا اولسه اول قدوقدا آدمی غه ویا قویغه اوخشاش نمرسه لار (ینزح کل ما تھا) بو ایتمغان صورت لار ننگ تمامیندا قدوق ننگ صوی ننگ تمامینی تارتغای (ان امکان) اکر اول قدوق ننگ صوی نی تمام تارنا بیلسه لار (والا فقد ما فیها) واکر تمام صوی نی تارنا بیلماسه بس اول مقدار صوکه اول قدوقدین پیدا بولسه تارتغای لار (بقول ذوی بصارة) چنا کوچی کشی ننگ سوزی برله کم قدوق ننگ صوی نی چناکای امام محمد رحمه الله تعالی دین بر روایت اولنورور کم ایکی یوز قوزا صوتارتغایلار یا اوچ یوز قوزا صوتارتغایلار امام اعظم رحمه الله تعالی دین بر روایت اولنورور تم یوز قوزا صو تارتغایلار (وفی نحو دجاجة اربعون الی ستین) واکر قدوقغه تاوق ویا کبوتور ویا پشک نوشوب اولسه قرق قاوغه صو تارتغایلار واجب لبق یونی برله تا آلتمش قاوغه غه چه مستحب یونی برله یعنی قرق قاوغه تارتمقلیقی واجب بولور وزیاده تارتماقی مستحب نورور (وفی نحو عصفور فنصف ذلك) واکر اولوغ لبقی تورغای وسچقان وقونکوز تکین بولسه آننگ یاریمنی تارتغای یعنی بکرمی قوزا واجب لبق اوچون اون قوزا مستحب لبقی اوچون صو تارتغای (دلوا وسطا) اورتا قوغه برله تارتغای کم دورت باتن صو آلتغای بعضی اینتب تورورلار اول قدوق ننگ اوزینی قوغاسی بولغای (وغیره احتساب به) اول اورتا قوغاغه حساب قیلغای اوزکانی هم بس اکر قوغاننگ اولوغ لبقی آنداق بولسه کم مقدار واجب فی بریوله تارتوب بولسه تارتسه روا بولور اما امام محمد وامام حسن رحمهما الله تعالی اینتب تورورلار کم بریولی تارتماقی روا بولماس واکر

برجانوار قندوققه توشتی واولمای چقتی اکر آغزی آننک صوغه تیکان بولسه و سارقوتی نجس بولسه صو  
 هم نجس بولور واکر مکروه بولسه مکروه بولور واکر پاک بولسه پاک بولور ( وینجس من وقت الوقوع  
 ان علم) واول صوننک نجاست لیتی غه حکم قیلور اول نمرسه ننگ توشکان وقتی دین اکر معلوم بولسه واکر  
 توشکان وقتی معلوم بولسه (والافیند یوم ولیلة) واکر شیشمهکان بولسه بس برکیچه کوندوزننگ اولیندین  
 اول صوننک نجاست حکمنی قیلورلار (وان انفع فمئذ ثلاثة ایام ولیالیها) واکر شیشکان بولسه اوج کیچه  
 کوندوزننگ اولیندین اول صوننک نجاست لیتی غه حکم قیلورلار بس قضا قیلغای نمازلارینی اول وقت لاردا  
 اول صو بیلان طهارت وغسل قیلب اوقوغان بولغایلار وئتی اول صوغه تونلارینی یوغان بولسه قیتا یوغایلار  
 (وقالا منذ وجد) و امام محمد و امام ابو یوسف رحمهما الله تعالی ایتب تورورلارکم نابغان زماندین حکم  
 نجاست قیلورلارکم اکر چندیکه شیشکان هم بولسه آننک اوچون کم احتمالی بارکم شیشب قندوققه توشکان  
 بولغای (وسوف الادمی) و آدم ننگ سارقوتی کبراک مؤمن کبراک کافر کبراک جنب کبراک حیاض  
 خاتون بولسه پاک ترور (والفرس وکل ما کول اللحم طاهر) و آطننک سارقوتی وهر نمرسه کم ایتی  
 بیولور سارقوتی پاک ترور (وسباع البهائم نجس) و دورت آیاقلی جانوری کم پنجهلی شیر ویا باریس  
 و بوری تکین لار ننگ سارقوتی نجس ترور و امام شافعی رحمه الله تعالی قاتیندا پاک ترور مکر ایت  
 و تونکوزننگ سارقوتی نجس ترور و امام مالک رحمه الله تعالی قاتیندا بولارننگ هم سارقوتی پاک ترور  
 (والهرة والدجاجة السخلات) و پشک ویا فلا ناغان تاوق ننگ سارقوتی مکروه ترور واکر باغلاغان بولسه  
 آندان کم نومشوقی آیاقی ننگ آستیفه یتماسه آننک سارقوتی مکروه بولماس (وسباع الطیر و سواکن  
 البیوت مکروه) پنجهلی قوشارننگ مثل ایتلکو و قارچغای و جانورلاریکه اویدا مکان قیلور مثل یلان و سچقان که  
 بو ایتلغان لرننگ تمامی ننگ سارقوتی مکروه ترور و امام شافعی و امام ابو یوسف رحمهما الله تعالی قاتیندا  
 پشک ننگ سارقوتی مکروه ایرمس واکر سچقانی بکان ساعتی صوغه تیکدی نجس ترور (والحمار  
 و البغل مشکوک) و ایشک و خچیرننگ سارقوتی مکروه برله حالیفه شک ترور واضح اولتورورکم آننک  
 پاک قیلغوچی لیغینه شک ترور اوزی ننگ پاک لیغی غه شک ایرمس و امام شافعی رحمه الله تعالی قاتیندا  
 پاک وهم پاک قیلغوچی (یتوضأ به یتیمم ان عدم غیره) و طهارت قیلغای و تیمم هم قیلغای اکر ایشک  
 برله خچیرننگ سارقوتیدین اوزکا صو بولسه و امام زفر رحمه الله تعالی قاتیندا اول طهارت قیلماق واجب  
 ترور (والعرق کالسور) وهر نمرسه ننگ تیری سارقوتی بیکلیغ ترور مکر ایشک ننگ تیری کم پاک  
 ترور آننک اوچون کم پیغمبر صلی الله علیه وسلم یلانکفاج آطلانب آننک تیری برله نماز اوقوب  
 ترورلار \*

## فصل التيمم

تيمم ننگ لغت معناسى قصد قيلماتى ترور شر يعتمك قصد قيلماتى ليق ترور پاك توفرا فغه حدثنى يراق قيلماتى اوچون تاخذ اى تعالى ننگ ياوقلوقى حاصل بولغاي (يخلفى الوضوء والغسل عند العجز عن الماء لبعده ميلا) تيمم طهارت ننگ و غسل ننگ اورنيغه بولور وقتى كه عاجز بولسه صوتورت مينك آديم ير يراق لقتدين و امام زفر رحمه الله تعالى ايتب نورورلار اكر نماز ننگ وقتى چقماسدين بورون صوغه يتار بولسه تيمم روا ابرماس اكر يتماس بولسه و نماز ننگ وقتى چيقار بولسه تيمم روا بولور اكر چنديكه صوباقو هم بولسه و امام ابو يوسف دين بر روايت اولتورور كم اكر صو اول مقدار يراق بولسه كم اكر صوغه بارسه كاروان كوزيدبن غايب بولور بولسه تيمم روا بولور و اكر آندبن آز بولسه روا بولماس ( او لمرض ) يا عاجز بولسه علت پيدا بولوق ليق سببدين ياعلتى زياده بولوق سببى دين صوغه عمل قيلماتى ليق برله كيراك صوغه عمل قيلماتى دين ضرر پيدا بولسون يا اوزى ننگ تيرانماكى دين ( او برد ) يا عاجز بولسه ساوق ليق سببى دين كم طهارتغه حاجتى بولغاي يا غسلغه ايكى سى اوچون هم تيمم قيلغاي يعنى طهارت اوچون و غسل اوچون تيمم قيلغاي و بو ايكى سى ننگ تيمم ننگ تفاوتى يوقتورور اما صاحبين قتيندا سوق اوچون شهرده تيمم روا بولماس آنگ اچون كم حماغه باريب نماز اوقى آلور و همام ننگ حقى اوچون عندر ايتغاي يامهات تيبلا كاي امام اعظم قتيندا شهرده هم ساوق اوچون تيمم قيلماتى روا بولور ( او عدو ) يا عاجز بولسه دوشمن ننگ قورقچى سببى دين اول دوشمن كيراك اوغرى بولغاي كيراك اوزكا دوشمن آندا هم تيمم قيلماتى روا بولور ( او عطش ) يا سوسماق سببى دين يعنى اوزى يا حيوانى سوسار خوفى بولسه اكر صوى بولسه هم تيمم روا بولور ( او علم آلت ) يا آلور نمرسه يوق سببى دين يعنى قوفا و ايب اكر چنديكه صو ياقو هم بولسه تيمم روا بولور ( او خوف فوت ما يفوت لا الى خلف ) يا فوت بولور قورقچى سببى دين كم اول فوت بولغوچى ننگ قائم مقامى بولماسه تيمم قيلغاي يعنى اكر طهارت قيلماتى ليقغه بارسه عملى آندبن فوت بولور كم قائم مقامى يوق ترور آندا هم تيمم روا بولور ( كصلوة العيد ابتدا ) مثل نماز عيدكه اولينده تيمم برله شروع قيلماتى روا بولور اكر اوتار قورقچى بولسه ( او بناء ) يا اكر عيد نمازى ننگ ايجندا طهارتى سنسه تيمم قيلغاي و نمازى ينگان يريندين اوقوب ادا قيلغاي اكر چنديكه اوليندا طهارت برله اوقوفان هم بولسه اما جمعه نمازى و وقتى نماز اوچون تيمم روا بولماس آنكچون كم اكر جمعه نمازى اوتسه آنگ حوضى پشبن نمازى بولور و اكر وقت نمازى اوتسه آنگ قضاسى بولور ( و الجنائز لغير الولى ) مثل جنازه نمازى كم ولى سيندين اوزكا كا تيمم قيلماتى روا بولور آنگ اوچون تورمسلا و جنازه نمازى اوتار قورقوچى بولور و اصح اولتورور كم ولى غه و امام غه تيمم قيلماتى روا بولماس آنكچون كم آنلارغه

نورار لر اکر ولیدین بورون اوقسالار ولی اول نمازنی قینارا بیلور ولی آناسی و اوغلی و باباسی و عمکیسی  
 و اولارننک فرزند لاری و عصبات بابنده تعین بولغان تورور ( وهو ضربة لیسح وجهه ) و بو تیمم قولینی  
 بر مرتبه برکا اورمقلیق تورور یوزینی سیفاماقلیق اوچون ( و ضربة لیدیه مع مرفقه ) و تقی بر بولی  
 برکا اورمقلیق تورور ایکی قولینی سیفاماقلیق اوچون ترساکی برله و امام مالک رحمه الله تعالی قنینده  
 نا بیلاننک یارمیغهچه و فتوی آنکا تورور کم استیعاب شرط تورور یعنی غبارنی و قولی بی تیمم قیلور  
 بری ننگ تمامیغه تیکورمالکلیک شرط تورور بس یوزوک و بیلازوکنی قولدین چقارمق کراک اکر غبار  
 آنلارننگ آراسیغه کرماسه و تقی قولینی بر بولی توفراقغه اوروب بارماقینی آرالاماق کراک و احتیاط  
 اولتورور کم قولینی برکا اورغای و ایکی قولینی بر بریکا اورغای تانوفراق توکولکای آندین صونک یوزینی  
 سیفاغای و تقی بارماق لرینی اجا توتوب برکا اورغای وصول قولی ننگ اوج بارماق ننگ یوزی برله باش  
 بارماق برله شهادت بارماق دین اوزکا تورور اونک قولی ننگ آرقه سینی بارماق ننگ اوچیدین ترساکی  
 برله سیفاغای وصول قولی ننگ باش بارماق برله و شهادت بارماق ننگ ایچی برله اونک قولی ننگ باش  
 بارمقی برله شهادت بارماق ننگ آرقه سن سیفاغای و بو ترتیب برله وصول قولینی هم سیفاغای ( علی کل طاهر )  
 یعنی تیمم قولینی اورمقلیق تورور بر پاک نمرسه غه آننگ تعلق پاکلیکا تورور ( من جنس الارض )  
 و اول تیمم قیلره تورغان نمرسه برننگ جنسی دین بولغای اکر نجاست بولغان بر آفتابغه قوروغان  
 بولسه اول یرده نجاست ننگ اثری فالماسه اول یرده نماز اوقومات روا بولور تیمم قیلماق روا بولماس  
 و هر نمرسه کم یانیب کل بولور بولسه یغاچ ینکلیغ و یا اوندأ یومشاق بولور بولسه یعنی ایرور بولسه تیمور  
 و قورغاشین ینکلیغ آنکچون کم بر جنسیدین ایرمس و تیمم روا بولماس و هر نمرسه بو ینکلیغ بولماسه بر  
 جنسی تورور مثل تاش و دویون اما کل کا تیمم روا بولماس و امام ابو یوسف رحمه الله تعالی قنیدا توفراق  
 برله چکه دین اوزکا کا تیمم روا بولماس و امام شافعی رحمه الله تعالی قنیدا توفراق دین اوزکا کا روا بولماس  
 ( ولو بلا نفع ) و اکر اول بر جنسی ننگ توفراقی بولماسه هم تیمم روا بولور مثل تاش کم توفراقی  
 بولماسه هم روا تورور خلاف امام محمدغه ( و علیه مع القدرة علی الصعید ) و غبارغه هم تیمم قیلسه روا بولور  
 و اکر چه توفراقغه قدرتی هم بولسه و امام ابو یوسف رحمه الله تعالی قنیدا وقتی کم توفراق دین عاجز بولسه  
 غبارغه تیمم قیلماق روا بولور ( بنیه اداء الصلوة ) یعنی تیمم ایکی قولینی پاک توفراقغه اورماق لبق تورور  
 نمازنی ادا قیلماق نیتی برله یانیتی برله اول بنده لیک ننگ کم طهارت سیز روا بولماس بولسه و هر کشی کا  
 اکر طهارت وهم غسل واجب بولسه بر تیمم دا ایکی سنی هم نیت قیلغای هم طهارتنی وهم غسلنی ( ویصح  
 قبل الوقت ) وقتی دین بورون تیمم قیلماق روا بولور امام شافعی رحمه الله تعالی قنیدا خلاف تورور  
 ( والطلب من الرفیق ) تیمم روا بولور هم راهیدین صوتیلا مسدین بورون اکر صوتی بولغان بولسه خلاف

امام ابو یوسف و امام محمد غه رحمة الله تعالى تورور ( و یصلی بواحد ما شاء ) و بر نیم برله نماز اوقوسه روا بولور هر نجاقلیغ تیلایسه کبراک فریضه و کبراک نافله بولغای ( و ینقضه ناقض الوضوء ) و سیندورور تیمم فی اول نمرسه کم طهارتنی سیندور غوچی تورور ( و قدرته علی ماء کافی لظهره ) و تقی سیندورور تیمم فی بولتسه بر صوغه کیم آننک پاک لیککی کا کفایت قیلایسه کبراک نمازننک ایچنده بولسون کبراک نمازننک تاشیندا بولسون و امام محمد رحمة الله تعالى قنیندا و امام شافعی رحمة الله تعالى قنیندا اگر نمازننک ایچنده بولسه تیممی سینماس اگر کشی طهارت و غسل اوچون تیمم قیلایسه اول کشی بر صوغه یولوقسه کم طهارتغه یا غسلغه کفایت قیلور بولسه ایکیسی ننگ برسینغه و ایکی سیغه یینار چاقلی بولماسه اونونک هقیندا ایکیسی هم سینماس ( لاردنه ) تیممینی سیندورماس مسلمان ننگ مرتد بولماق لیتی یعنی اگر تیمم قیلغاندین صونک مسلمان مرتد بولسه نعوذ بالله وینه مسلمان بولسه اول تیمم برله نماز اوقوسه روا بولور ( و ندب لراجه صلوته آخر الوقت ) مستحب تورور صودین امید قیلغوچی غه نمازینی آخر و قنیندا اوقوغای شاید صوغه یتکای اما نمازنی مکروه وقتنی غه یتکورماکای اگر کشی نمازینی تأخیر قیلایسه جماعت برله اوقومق لیتق اوچون اول هم مکروه وقتنی غه قویماغای اگر نمازینی اول وقتنی ده تیمم برله اوقودی آندین صونک بر صوغه یولوقتی قینه اوقومغای اگر چندیکه وقتنی بار بولسه هم ( و یجب طلبه قدر غلوة ان ظنه قریبا ) صونی ایزلامک لیک اوج بوز قاری یا دورت بوز قاری ینکلینغ بردین واجب ترور اگر کمان قیلایسه صوننک یاوق لیتی غه کم کشی خبر قیلایسه یا اوزکاسیندین بیلایسه ( و اذا ذکره فی الرحل لایعید الصلوة ) و قتی اگر نمازینی تیمم برله اوقوغاندین صونک معلوم بولایسه یوکده صونک بار لیتی قینار مغای نمازینی کبراک نمازننک وقتنی دا معلوم بولسون کبراک وقتنی اوتکان دین صونک کبراک اوزی قویغان بولغای یا اوزکا کشی قویغان بولغای آننک فرمانی برله فتوی مونکا تورور و اگر بو یورمای قویغان بولایسه خلاص سز اعاده قیلایغای و اگر کشی کافر طهارت قیلدورماسه و اگر کشی زندانده بولایسه یا براو اونکا ایتسه کم اگر طهارت قیلایسانک سنی اولتورور من دین تیمم برله نمازینی اوقوسا روا بولور اما یخشنی راق اولتورور کم اگر نمازینک وقتنی بولایسه قینا اوقوغای و زاهدننک شرحیدا کلتوروب تورور کم اگر تیمم قیلایسه مسجد کا کرمک اوچون یا قرآنی اوقوماتی اوچون یا اوشلاماتی اوچون آننک برله نماز اوقومق جائز ایرماس بو آننک خلاقیغه تورور کم وقتنی کم جنازه نمازی اوچون یا سجدده تلاوت اوچون تیمم قیلایسه طلباء لارنک کوبراکی آنکا تورور کم روا بولور اگر تیمم قیلایسه نماز اوچون یا بو ایکیسی ننگ بری اوچون آننک برله نماز اوقوسه روا بولور اگر بو ایکیسیدین اوزکا اوچون تیمم قیلایسه روا بولماس و قنیه ده اینب تورور کم مثل تیمم کم قرآن اوقومق لیتق یا مسجد غه کبرماک لیک اوچون قیلایسه آننک برله فرضنی اوقوسا روا بولور اما شافعی رحمة الله تعالى خلاف قیلب تورور \*

فصل المسح

مسح لغتده قولینى سيفاماق تورور وشريعتده سيفاماق تورور اول يرينى كم شريعتده تعين قىلب تورورلر و بو مسح دين مرادى ايتوك كا مسح تارتمق تورور ( على الخفين جائز ) يعنى مسح قىلمق ليق ايتوك نيك آرقه سيفه روا بولور ( للحدث ) اول كشيك كى طهارتى بوزولوب تازه طهارت قىلور بولسه كىراك اير بولسون كىراك خانون ( دون من عليه الغسل ) مسح قىلمق روا بولماس اول كشيك كى كم غسل واجب بولغان بولغاي آننىك اوچونكىم غسل برله مسح ننىك هادى جمع بولماس ( وفرضه غطوا قدر ثلاث اصابع اليد ) مسح ننىك فرضى تارتمق ليق تورور قول ننىك اوچ بارماقى مقدارى يىنكلىغ اوزىنى و اينى دا ايكى بارمق ننىك مقدارىغه مسح قىلماق روا بولماس اكر باش بارمقى وشهادت بارماقى برله مسح تارنسه روا بولور آننىك اوچون كم اول ايكى ننىك آراسى ننىك آچوق ليقى بر بارمق مقدارىغه بولور و اكر ياش چوب ننىك آراسنده يورسه اونوكى ننىك ارقاسى مسح تارنار مقدارى صو بولسه مسح ننىك يريغه اولتورور مسح تارنماسه هم روا بولور ( فى اسفل من الساق ) مسح نى قونجى ننىك آستى دين تارنغاي اكر اشوقى دين يوقازىغه مسح تارنسه روا بولماس و مسح نى آنداق قىلغايكم اونىك قولى ننىك بارمق لارىنى اونىك آياق ننىك باشىغه قويوب تا اشوقى غهچه تارنغاي اكر اشوقى دين آياق ننىك باشىغهچه تارنسه روا بولور اما سنت ننىك خلافى بولور اكر مسح نى او كچه كا ويا ايتوك ننىك آستىغه تارنسه روا بولماس ( ويجوز على الجرمقين ) مسح قىلماق روا بولور اول اوتوك كا كم يىنابر اوتوك ننىك اوستى كا كىكان بولغاي اكر طهارت برله كىكان بولسه ( وكل ما يستر الكعب ويمن به السفر ) و مسح قىلماق اول نمرسه كا كم اشوقى ياپسه و ممكن بولسه آننىك برله سفر يورمك لىك مسح روا بولور ( و شرط كونها ملبوسين على طهر تام وقت الحدث ) و شرط تورور كم ايكى اوتوك ننىك بربرىنك اوستى كا كىما كلىكى تمام پاك لىك برله مسح ننىك جافز بولور ليقى غه طهارتنى سىندورماسىن بورون كىراك كم طهارت برله كىكان بولغاي ايكى سىنى هم مسح قىلماق ليق روا بولغاي اكر اول اوتوك كىكاندا تمام طهارتى بولغان بولسه آنداق طهارتنى سىندورغاندىن صونىك كم آياقلارين يوب كىكاي اوتوكنى و بر ساعتىدىن صونىك قالغان اندامىنى يوغاي كىراك كم اوتوكنى كىكاندىن صونىك طهارتنى سىندورغوى نمرسه پىدا بولماغاي قالغان اندامىنى يوغاي وقتى كه طهارتنى سىندورسه كىراك كم طهارتى تمام بولغاي تا مسح قىلماق روا بولغاي ( لا فى الجبيرة ) و تمام طهارت شرط ايرماس جىبىرهغه مسح تارتمق ليقى ده و مسح ننىك جىبىره كا جافز بولما ليقى ننىك شرطى اولتورور كم اكر صو نيكسه زىان قىلور بولسه بر بوزلته نى باغلاغاي آننىك اوستىغه مسح قىلماق اما كىراك كم لته ننىك تمامىغه مسح قىلماق يا كوبرا كى كا اول بوزلته ننىك اوستىده كىراك جراحت بولسون يا بولماسون ( ولا بأس بسقوطها )

وزیانی بوق تورور اول بوزلته ننگ جراثمتدین توشماکی برله اکر چندیکه نمازده هم بولسه واصح بوتورور (الاعن بر) مکر یخشی بولغاندین صونک اکر توشسه مسح باطل اولور اما جراثمت ننگ اورنینی بووب قوبسه هم بولور یوماق کبراک (ولا یمسح سائر غیر الرجل) آیاقنی یاپغوچی نمرسه دین اورکا کا مسح قبلماق روا بولماس (الاهی) مکر جبیرهغه روا بولور بس مسح قبلماق لبق دستارغه وتونغا وآنکا اوخشاش نمرسه لارکا روا بولماس (ومدته للمقیم یوم وليلة) واونوککا مسح قبلماق لبق ننگ مدتی مقیم کشی غه بر کیچه کوندز بولور طهارتی سینغان وقتدین (وللمسافر ثلاثة ایام ولیلایها من وقت الحدث) و مسافرغه اوج کیچه کوندزغه چه مسح نارتماق لبق روا بولور طهارتی سینغان وقتدین یعنی بومدتنی اوتوکنی کیکان وقتی دین حساب قبلماق و طهارت سیندورغان وقتی دین حساب قبلماق (وناقضه ناقض الوضوء) و مسحنی سیندورغوچی اول نمرسه تورور کم طهارتنی سیندورغوچی تورور (ومضی المدة) و مسح ننگ مدتی اوتسه مسحنی سندورور واکر ساوقدین قورقهسه کم اکر آیاقینی اوتوکنین چبقارسه ساوق اولور قورقوچی بولسه اکر مسح ننگ مدتی اوتسه هم مسح نارتماق لبق روا بولور (وخرج اکثر العقب الی الساق) وتقی مسحنی سیندورغوچی اوکچه ننگ کوبراکی چقماق لبقی تورور قونچی طرفیغه و امام محمد رحمه الله تعالی دین روایت تورور کم اکر آیاق ننگ آرقه سی اوج بارماق ننگ مقدار بیچه بریندین تورماسه مسح باطل بولماس و مجباده ایتم تورور کم اکر آیاق ننگ باش بارمقی اورنیدا بولسه و اوکچه سی بریندین کوناریلسه وتقی بریغه کلسه زیانی بوق تورور واکر اوتوک ننگ کینک لیکنی سببی دین آیاق بریندین کوناریلسه ینه برینه کلسه آنداهم زیان قبلماس (وبعد احد هذین یجب غسل رجليه فقط) و بوا یکی مسحنی سیندورغوچی ننگ برسی پیدا بولسه واجب تورور ایکی آیاقلارینی بوماق لبق یعنی آیاقلارینی یوغای واوزکا انداملارنی بومغای (ویمتعه خروق یدو منه قدر ثلاث اصابع الرجل اصغرها) یا مسح قبلماق روا بولماس. اکر اوتوک ننگ برتوقیدین آیاق ننگ اوج کچکنه بارمقی کورنور چاق لبق بولسه اما اکر اوتوکی آنداق محکم بولسه کم اول برتوقیدین آیاقی کورنمهسه اول برتوق اوج بارمق سیغار چاقلی هم بولسه مسح قبلماق روا بولور واکر یوروکانده اوج بارمق مقدار بیچه کورونور بولسه اول آیاقینی برکا قویغاندا کورونماسه مسح قبلماق روا بولماس و اول برتوقی اوتوک ننگ آستیده بولسون کبراک آرقاسینده بولسون کبراک یانینده بولسون مسح قبلماق روا بولماس (ویجمع خروق خف) واکر بر اوتوک ننگ برتوقینی جمع قیاسه لار اوج بارمق سیغار چاقلی بولسه مسح قبلماق روا بولماس (لاخفین) وایکی اوتوک ننگ برتوقینی جمع قیاسه لار اوج بارمق سیغار ینکلغ هم بولسه مسح قبلماق روا بولور واکر اوتوک ننگ بریندین کی نجاستنی یغسه لار درهم مقداریندین زیاده بولسه آننگ برله نماز اوقومق روا بولماس (وفی سفر المقیم وعکسه) وقتی که مقیم کشی مسافر بولسه ویا مسافر مقیم بولسه (قبل یوم وليلة یعتبر الاخیر) برکیچه کوندوزدین بوروب

اعتبار قیلورلار اخیرغی حالینی یعنی اکر مقیم کشی بر کبچه کوندوزدین بورون مسافر بولسه اوج کبچه کوندوز مسیح تارتغای واکر مسافر بر کبچه کوندوزدین بورون مقیم بولسه بر کبچه کوندوزنی ادا قیلغای (وبعدهما ینزع) و بر کبچه کوندوز اوتکاندین صونک مسافر مقیم بولسه اوتوکنی چقارغای و آیاقنی یوغای واکر بر کبچه کوندوز اوتکاندین صونک اکر سفری تغیر تابسه اوتوکنی البته چقارغای واکر مقیم مسافر بولسه بر کبچه کوندوزدین صونک اوتوکنی چقارغای اول آیاقنی یوغای واکر بر کبچه کوندوزدین بورون بولسه اخیر حالتنی اعتبار قیلور و بو مسئله تورث قسم بولور مسافر مقیم بولسه یامقیم مسافر بولسه بو حالدا بر کبچه کوندوز اوتماس بورون نورور یا بر کبچه کوندوز اوتکاندین صونک بولغای والله اعلم \*

### فصل الحیض والنفس

(الحیض) حیض لغتدا قان نینک چتماقی نورور خاتون نینک اوغلان یتاتورغان یریندین و شریعتدا (دم ینفضه رحم بالغة) اول قان نورور کم رسیده خاتون نینک اوغلان نینک یتار یری نوکار یعنی اول عورت کم توقز یاشار بولغای (لاداء بها) ودردی بولماس اول قان کلمک برله خاتون نینک یاتغوسی نینک نفاس ینکلغی آندا درد بولور یعنی نفاسدا درد بولور (ولا ایاس) وتقی اول خاتون الیک یاشیغه ینمکان بولغای مفتی ننگ سوزی برله اما استحاضه ننگ قاننی حیض قانیدین اوزکا قیلوب نورورلار کم اول قان نومردین کلور و خاتون ننگ یاتغوسیدین آقباس آنکچون کم حمل بولغان وقتینده خاتون ننگ یاتغوسی اوغلانغه مشغول بولور آندا قان کلسه استحاضه بولور (واقله ثلاثه ایام ولیالیها) و حیض ننگ مدتی ننگ آزی امام اعظم رحمه الله تعالی قتیدا اوج کبچه کوندوز نورور و امام ابویوسف رحمه الله تعالی قتیدا ایکسی یاریم کوندین کوبرا کی ترور یعنی ایکسی کون و اوج کون ننگ یاریمی دین کوبرا کی ترور و امام شافعی رحمه الله تعالی قتیندا بر کبچه کوندوز نورور و امام مالک رحمه الله تعالی قتیندا بر ساعت نورور (واکثره عشرة) و حیض ننگ مدتی ننگ کوپی اون کبچه کوندوز ترور و امام شافعی رحمه الله تعالی قتیندا اون بش کون نورور و امام مالک رحمه الله تعالی قتیندا آخری یوقتورور معتبر قان ننگ تورغان ساعتی ترور تا اکر آفتاب ننگ یاریمی کورونکاندا قان کورسه و توردنچی کونی کون ننگ کورکوسی ننگ یاریمی کورونماسدین بورون کبساسه حیض ایرماس و طهارت قیلغای و نمازلارینی قضا قیلغای اکر کون کورکوسی یاریمی چقه غسل قیلغای و نمازلارینی قضا قیلغای (واقله الطهر خمسة عشر یوما) و پاک لیک ننگ مدتی ننگ آزی اون بش کبچه کوندوز ترور (ولا حد لا کثره) و پاک لیک ننگ کوپی لیک ننگ حسابی یوقتورور آننگ اوچون کم پاک لیک ایکسی بل و اوج بل و آندین زیاده هم بولور

(والطهر المتخلل بين الدمين في مدته) واول پاك ليك كم ايكي قان ننگ آراسيغه كيرار حيص ننگ مدتي ننگ اچنك كم اون كون تورور يعني بر كون كورسه وبر كون كورسه تا اون كونكاچه ويا بيلكولوك عايتي ننگ آراسيغه كيرسه ( وما رأيت من لون فيها سوى البياض حيص ) واول نهرسه كم حيص مدتي نينك ايجنده كورار آقليق دين اوزكار نكني حيص تورور وموند اغ پاك ليك كم حيص مدتي ننگ آراسنك پيد بولسه حيص حكمي بولور وا كر نفاس ننگ مدتي ننگ آراسنك پيدا هم بولسه نفاس حكمي بولور ( يمنع الصلوة ) وبو حيص نماز نينك واجب ليقي ني واوزي ننگ دورست ليقي ني منع قيلور يعني اكر نمازي اوقوسه هم روا بولماس ( والصوم ) وحبص روزه ني دورست ادا قيلماق ليقي ني منع قيلور واما واجب ليقي ني منع قيلماس يعني پاك بولغاندين صونك روزه ني قضا قيلور آتنگ اوچون اينب تورورلر ( ويقضى هو ) وقضا قيلور روزه ني ( لاهي ) ونمازي قضا قيلماس ( ودخول المسجد ) وحبص مسجدكا كيرما كليكني منع قيلور اكر چندينكه بخشى ايس ليك هم بولسه اما خلاف امام شافعي رحمه الله تعالى غه كم اكر بخشى ايس ليك بولسه مسجد غه كيرمك روا بولور ( والطواف ) وكعبه ني طواف قيلماق ليقي ني منع قيلور وحالانكه كعبه مسجدي ننگ تاشيندين هم طواف قيلسه روا بولمس اما حيص لي خاتون نينك عرفاندا تورماق ليقي روا بولور ( واستمتع ما تحت الأزار ) وحبص منع قيلور ايريننك فايك آلمان ليقي ني خاتون نينك پای جامه سي ننگ آستى دين يعني كيندوكيد بن نائز يكاچه تورور اما امام محمد رحمه الله تعالى قيندا حيص لي خاتون ننگ فرجى دين اوزكار بريدن فايده آلسه روا بولور ( ولا تقرأ كجيب ونفساء ) وحبص لي خاتون كيراك كم قرآنى بر آيت مقدار نچه اوقوماغاي جنب ونفاس لي خاتون بتكليغ آلاز ننگ الحمد لله رب العالمين ني شكر اوچون ويا بسم الله الرحمن الرحيم ني ابتد اي ايش اوچون ايتسه زيانى يوقى ترور وبعص اينب تورورلر كم فاتحه ني ويا دعا آيت لارينى دعا يولى برله اوقسه زيانى يوقتورور واكر قيسقه آيتنى عادت سببي برله تيليدن چيقتسه زيانى يوقتورور وخاتون اكر قرآنى تعليم قيلسه حيص حالينده كلمه كلمه تعليم قيلغاي وبعص اينب تورورلر كم ياريم آيت تعليم قيلغاي وتورغاي آندين صونك ياريمى ني اوقوماغاي وتعليم قيلسه مكر وه بولماس وقرآنى هجا قيلماق ودعاء قنوتنى واوزكا دعالارنى اوقوسه هم روا بولور ( بخلاف المحدث ) وطهارت سيز كشي ننگ خلافيغه كم اونكا قرآن اوقوماق روا بولور ( ولا يمسه هواء مصحفا ) وتوتوماغاي قرآنى حيص لي ونفاس لي خاتون وجنب وطهارت سيز هم ( الا بغلاف متجان ) مكر بوش قابى بولسه وشيرازه قيلمغان وبركيت ماكان بولسه آنده توتسه روا بولغاي وبعص اينب تورورلر كم خط بتلكان يرني تونماق مكر وه ترور واكر بتلكان يريني مثلا كاغذ ننگ چيتى بتكليغ بريدن توتسه روا بولور وبعص اينب تورورلر كم اكر كاغذ بر تحت بردا بولسه طهارت سيز قرآن بتمك ليك زيان قيلماس امام ابوحنيفه رحمه الله تعالى دين روايت قيب تورورلر اكر جنب كشي قولينى واغز يني يوسه وقولينى قرآنغه تيكورسه

ويا قرآنى توتسه زيان قيلماس واصح اولنورور كم توتماغى وقولبنى تيگورمكاي ( وكره بالكم ) ينكى برله سيفاماق مكره تورور اما مسئله كتابنى ينكى برله توتماق مكره بولماس ( ولادرهما فيه سورة الابصرة ) جنب وحيض لى ونفساء وطهارت سيز كشي لار توتماغى اول تنكه نى كم آند اقرآندىن نقش قيلغان بولماق مكر توتماق همباني برله اما قرآنغه قارامق ليق طهارتسز و جنب ننگ مكره بولماس ( ويحل وطىء من قطع دمها لاكثر الحيض ) وطى قيلماق هلال بولور اول خانونغه كم قانى كيسيلسه هيض مدتى ننگ كوې اونكان صونك يعنى اون كچه كوندوزدين صونك ولام نينك معنى سى صونك ديمك بولور مثل اقم الصلوة لدلوك الشمس ( اولنفاس قبل الغسل ) يانفاس ننگ مدتى اونكاندىن صونك كم مدتى قرق كون تورور غسل قيلماسدىن بورون وغسل ننگ مدتى ونمازغه تكبير تحريمه اينور چاقليغ وقت اونماسدىن بورون تورور اما مستحب نورور كم غسل قيلماسدىن بورون وطى قيلماق اكر چندينكه هلال هم بولسه ( دون من قطع دمها لاقل منه ) هيض ننگ آرمدى اونكاندىن صونك قانى كيسيلسه يعنى اوچ كچه كوندوزدين صونك قانى آقماسه اول خانونغه وطى قيلماق روا بولماس ( الا اذا مضى وقت يسمع فيه الغسل والتحريمه ) مكر اول وقت دا وطى قيلماق هلال بولور قانى توقتغاندىن صونك غسل قيلوب تكبير تحريمه نى بغلار چاقليغ وقت اوتسه وبو اول وقت دا بولور عادتى ننگ باشينده كيسلكان بولسه واكر عادتيندىن بورون كيسيلسه وقت ننگ آخريغچه تورماق كراك وقت نينك آخريندا غسل قيلماق ونماز او قوغاي وروزه توتماق اما اونكا ياقليق قيلماق واوزكا ابركا نكاح قيلماق تايبيلكولوك عادتيغه يتما كونجه ( والنفاس دم يعقب الولد ) ونفاس اول قان تورور كم اوغلان ننگ صونكىدىن كلور اول اوغلان ننگ كوې سى چقسون يا آزاندامى ( ولاحد لاقله ) نفاس مدتى ننگ آزي نينك بيلكوسى يوقتورور وامام ابوحنيفة رحمه الله تعالى دين بر روايت اولتورور كم آنگ مدتى ننگ آزي يكرمى بش كچه كوندوز تورور وامام ابو يوسف رحمه الله تعالى دين بر روايت قىلب نورورلار كم مدتى ننگ آزي اون بر كون تيب تورورلار ( واكثره اربعون يوما ) ونفاس ننگ مدتى ننگ كوې قرق كون تورور اكر قرق كوندىن اوتسه كبراك كم استعاضه بولماق وامام شافعى رحمه الله تعالى قىبندا نفاس ننگ مدتى ننگ كوې آلتميش كون تورور وامام مالك رحمه الله تعالى قانيندا يتمش كون تورور ( وهو لام التؤمين ) وبونفاس اول ايكى اوغلان آراسينه تورور كم ايكى سى بر قاريندىن كلور يعنى اول بر اوغلان توغسه آندىن صونك آلنى آى اونماسدىن ايلكارو يناپر اوغلا توغسه ( من الاول خلافا لمحمد رحمه الله ) اولغى اوغلان دين نفاس حكى بولور خلاف امام محمد رحمه الله تعالى غه كم اولار ننگ قىبندا نفاس صونكى اوغلاندىن حساب بولور ( وانقضاء العدة من الاخيرين اجماعا ) وعدت ننگ اوتىك ليكى صونكى اوغلاندىن تورور اتقاق برله آنگ اوچون كم يانقوسى ننگ پاك ليكى بو وقتده حاصل بولور ( وسط ) يعنى اوغلان ننگ آناسى ننگ ايچندين توشار آنگ اندامى پيدا بولغان بولماق واكر اندامى

پیدا بولغان بولسه آنکا مضعه دیرلار بر بارچه ایت دیمک بولور ( یری بعض خلقه واد ) کورونور بولسه اندامی ننگ بعضی سی ساچی وترناق یینکلیغ و بو صفت لر اکر آندا بولسه اوغلان حکمی بولور شریعتدا ( فتصیر به نفساء ) بس خانون نفاسدا بولور ( والامه ام الولد ) واول کونک اوغلان ننگ آناسی بولور بو توشوک برله واول کونکنی سانا بیلماسن ( ویقع المعلق بالولد ) اکر طلاق ویا آزاد بول دیسه ویا بر نمرسه فی آل دیسه اکر فرزند تابسانک تیب شرط قیلسه آنداق کم اکر برکشی کونکیغه اینسه کم اکر سن اوغلان تابسانک آزادبول اکر بو کونکدین اولوک سقط پیدا بولسه بو سوزلارده فرزند حکمی پولور آزاد بولور ( ویقتضی العده به ) و بو توشوک که بعضی اندامی معلوم بولسه اوغلان حکمی دا بولور یعنی آننگ هم عدتی اوغلان عدتی یینکلیغ اونار واکر بعضی اندامی معلوم بولمسه اوغلان حکمیدا بولماس قانی کم آننگ صونکندین کلسه حیض بولور اکر پاکلیک ننگ مدتی اوتکان بولسه اکر اوتکان بولسه استحاضه بولور ( وما نقص من اقل الحيض ) واول قان اکر حیض مدتی ننگ آزیغه یتمای تینسه یعنی اوج کبچه کوندوزکا یتماسه ( اوزاد علی حیض المبتدأه ) یاز یاده بولسه قانی اول خانون ننگ کم اول حیض ده بولغای یعنی حیض ننگ مدتی ننگ کوبی دین رسیده بولغاندین صونک ( وهو عشرة ) و بو حیض مبتدأغه اون کون تورور وهر آی ننگ پاک لیک یکریمی کون ترور ( اونفاسها ) یاز یاده بولسه قان نفاس مبتدأغه ( وهو اربعون يوماً ) واول نفاس مبتدأ قرف کون تورور ( او زاد علی العادة فیهما ) یاز یاده بولسه حیض دا ویا نفاسدا بیلکولوک عادتیندین ( و جاوز اکثرهما ) و تقی اوتسه حیض ننگ و نفاس ننگ مدتی ننگ کوبیندین یعنی وقتی که اونیک بیلکولوک عادتی بولسه یتدی کون مثلاً اون تورت کون قان کورسه واول یتدی کون عادتی ابردی حیض ننگ قانی تورور واول یتدی کون استحاضه قانی تورور و نفاس ننگ هم حکمی بو تورور ( وما رأت حامل استحاضه ) واکر بو کلوک خانون قان یا اوزکا زنک فی کورسه استحاضه تورور و بو ایتلغان نمرسه لار ننگ بارچه سی ( لا یمنع صلوٰة ) منع قیلماس استحاضه ننگ قانی هیچ نمازی کبراک فرض نمازی بولسون کبراک نافله نمازی ( و صوما ) وروزه فی منع قیلماس کبراک فرض روزه سی بولسون کبراک نافله روزه سی ( و وطباً ) و استحاضه ننگ قانی خانونقه یا و قیلقی قیلماقتی منع قیلماس ( ومن لم یض علیه وقت فرض ) اول کیشیکم آنکا هیچ فرض ننگ وقتی اوتماسه ( الا به حدث ) مکر اول حالده آننگ طهارتی سناتورغان بولغای یعنی اکر کیشی ننگ همیشه طهارتی سنار بولسه آنداق کم بر فرض ننگ وقتی فی طهارت برله ادا قیلا بیلماس بولسه و تقی ایکی رکعت نمازی طهارت برله ادا قیلا بیلماس بولسه صاحب عذر بولور ( من استحاضه او عارف او نحوهما ) یعنی اول طهارتنی سیندورغوی استحاضه ننگ قانی بولغای یا بورون ننگ قانی بولغای یا آنکا اوخشاش نمرسه لار کم ایچی بورو کاندیک یا همیشه یل چته نورغاندیک یا بر جراحتی بولسه کم تینمای آفار بولسه ( یتوضأ لوقت کل فرض ) طهارت